



Հայկական գիտահետազոտական հանգույց Armenian Research & Academic Repository



Սույն աշխատանքն արտոնագրված է «Ստեղծագործական համայնքներ
ոչ առևտրային իրավասություն 3.0» արտոնագրով

**This work is licensed under a Creative Commons Attribution-NonCommercial
3.0 Unported (CC BY-NC 3.0) license.**

Դու կարող ես.

պատճենել և տարածել նյութը ցանկացած ձևաչափով կամ կրիչով
ձևափոխել կամ օգտագործել առկա նյութը ստեղծելու համար նորը

You are free to:

Share — copy and redistribute the material in any medium or format

Adapt — remix, transform, and build upon the material

Handwritten text: *Handwritten text*

Handwritten text: *Handwritten text*

Handwritten text: *Handwritten text 1904*

616.9

U-88

19 NOV 2011

ՀԱՅԱՍՏԱՆԻ ԳՐԱԳՐԱԿԱՆ ԿԵՆՏՐՈՆ

— 88

368

ԲԺՆԱԿԱՆ ԱՐԾՆՈՒՄ

ԲՆԱԿԱՆ ՉՐՈՅՑՆԵՐ

ԽՈՒԵՐԱՅԻ

ՄԱՍԻՆ

18

1904

516.9

Ա-88

ԱՌԱՆՁԻՆ — ԳԻՆՆ Է 15 ԿՈՊ.

9
88

1833

Եօթերորդ ձրի լաւելում «Առողջապահիկ Թերթ»-ի

PH

Բ ժ Շ Կ Ի Զ Ր Ո Յ Յ Ն Ե Ր № 13

35066

ՀԱՄԱՌՕՏ ՀԱՆՐԱՄԱՏՁԵԼԻ ՀԵՂԻՆԱԿՈՒԹԻՒՆ

ԽՈԼԵՐԱՅԻ ՄԱՍԻՆ

Գլխաւորապէս Կովկասի եասարակ ժողովրդի համար

Կազմեց Գ-ր. ՎԱՀԱՆ ԱՐԾՐՈՒՆԻ

Խմբագրուած ժողովրդական բժշկական - առողջապահիկ
գրուածներէ խմբագրական մասնաժողովի նախագահ
Բժյ. Ա. Բարայեանի կողմէց:

Այս հեղինակութիւնը արժանացել է Կայսերական Կով
կասեան Բժշկական Ընկերութեանը կտակած Քեթխուղեան
նի մրցանակին:



ԹԻՖԼԻՉ 1904 Թ.

Տպարան «ՀԵՐՄԵՆՍԿԱՅԻ ՄԱՍԻՆ» Մաղաք. փող. № 15.

(32)

22 FEB 2013

6691

Հայաստանի Հանրապետության Կրթության նախարարություն

ՀԱՅԱՍՏԱՆԻ ՀԱՆՐԱՊԵՏՈՒԹՅԱՆ ԿՐԹՈՒԹՅԱՆ ՆԱԽԱՐԱՐՈՒԹՅԱՆ ԿԵՆՏՐՈՆ

ՀԱՅԱՍՏԱՆԻ ՀԱՆՐԱՊԵՏՈՒԹՅԱՆ ԿՐԹՈՒԹՅԱՆ ՆԱԽԱՐԱՐՈՒԹՅԱՆ ԿԵՆՏՐՈՆ

ՀԱՅԱՍՏԱՆԻ ՀԱՆՐԱՊԵՏՈՒԹՅԱՆ ԿՐԹՈՒԹՅԱՆ ՆԱԽԱՐԱՐՈՒԹՅԱՆ ԿԵՆՏՐՈՆ

ՀԱՅԱՍՏԱՆԻ ՀԱՆՐԱՊԵՏՈՒԹՅԱՆ ԿՐԹՈՒԹՅԱՆ ՆԱԽԱՐԱՐՈՒԹՅԱՆ ԿԵՆՏՐՈՆ

Дозволено цензурою. Тифлиси, 24-го июля 1904 г.

ՀԱՅԱՍՏԱՆԻ ՀԱՆՐԱՊԵՏՈՒԹՅԱՆ ԿՐԹՈՒԹՅԱՆ ՆԱԽԱՐԱՐՈՒԹՅԱՆ ԿԵՆՏՐՈՆ

ՀԱՅԱՍՏԱՆԻ ՀԱՆՐԱՊԵՏՈՒԹՅԱՆ ԿՐԹՈՒԹՅԱՆ ՆԱԽԱՐԱՐՈՒԹՅԱՆ ԿԵՆՏՐՈՆ



3429. 84

Հիմա ընդհանուր կարգով
-տարի է եկել իսկ չի մնացել
-տարի միջին մասն չի մնացել
զրոյս կգլ ինչպէս որ ինչպէս

Յ Ա Ռ Ա Ջ Ա Բ Ա Ն

Երբ մի երկրի վրա մի անբաղդութիւն է վրա տալիս, ժողովուրդը չպէ՛ս է ձեռնէրը խաչի ու ասի. «Աստու կամն է»: Երբէ՛ք չպէ՛ս է մտանալ այն իմաստալից ասացուածքը, թէ «Աստու վրա յո՛յս դիր, բայց իննդ էլ անգործ մի՛ մնար»: Պէ՛ս է յիշել եւ այն միւս առածը, թէ «ի՛նդ էեզ օգնիր, որ Աստուած էլ էեզ օգնի»: Պի՛սի մեր բոլոր ոյժերը հաւանեն խտրեալի դէմ կռուելու համար, որովհետեւ սա մի վարակիչ հիւանդութիւն է եւ սարսափելի կորստածներ է անում ամեն դասակարգի վաղկանց մէջ:

Կռուել այս հիւանդութեան դէմ երկու կերպ կարելի է. կամ պաշտպանելով հասարակութիւնը եւ ինքնիրան վարակուելուց ու հիւանդանալուց, կամ (երէ, Աստուած չանի, մէկը հիւանդանա) իսկոյն բժշկութեան դիմելով:



Այս գրոյկի նպատակն էլ մէկ այն է, որ ցոյց ցանք, թէ ի՛նչ ձեւով պէ՛տք է պատշաճանել ժողովրդին եւ ամեն մէկին վարակումից եւ թէ ի՛նչպէս բժշկուել, եթէ տեղը բժիշկ չկայ:

Բայց այդ սարսափելի աղէտի հետ կոռուելու համար անհրաժեշտ է ամենից առաջ ծանօթանալ նրա հետ:

ՄԱՍՆ ԱՌԱՋԻՆ

1. ՄԻՔԱՆԻ ԽՕՄԻ ԿՈՎԿԱՍՈՒՄ ԵՂԱԾ ԽՈՂԵՐԱՅԻՆ ՀԱՄԱՃԱՐԱԿՆԵՐԻ ՄԱՍԻՆ

Խողերայի բունը համարուում է հեռաւոր Հնդկաստանը, իսկապէս հնդիկների սրբազան Գանդէս գետի ափերը: Այս պատճառով էլ այդ հիւանդութիւնը, յայտնի է հնդկական կամ ասիական խողերա անունով, որով նա զանազանում է եւրոպական կամ մանկական խողերայից: Այս երկուսը ո՛չ մի կապ չունեն իրար հետ և տարբեր պատճառներից են առաջ գալիս: Բացի դրանից, մանկական խողերան երբեք համաճարակի ձև չի ստանում: Գանդէս ու Քրահմայուտրա գետերի ափերին տարին-տասն երկու ամիս խողերան ճարակում է ժողովրդին, երբեմն թուլանալով, երբեմն սաստկանալով ու բունկուելով մեծ ու ժով: Այդ տեղերից հիւանդութիւնը սարսափելի արագութեամբ փոթորիկի նման անցնում է ամբողջ երկրների

վրայով, Թափանցելով աշխարհիս ամենահեռաւոր անկիւնները և տանելով իր հետ հազարաւոր ու հարիւր հազարաւոր կեանքեր: Մեր երկիրը (Կովկասը) անցեալ դարում միքանի խոլերային համաճարակներ է տեսել, նրանցից միքանիսը զարհուրելի ուժով բռնկուեցին, միւսները աւելի թոյլ էին:

Մեր երկրի պատմութիւնը յիշատակում է այս դարում մի շարք խոլերային համաճարակներ: Առաջինը երևաց 1823 թուին Սալիանում, այդ տեղ մի ինչ-որ անյայտ ցաւից հէնց առաջին օրը մեռան եօթ մարդ: Այս հիւանդութիւնը եկել էր Պարսկաստանից, Տալիշինեան խանութիւնից և սկսել էր կոտորածներ անել Կասպից ծովի ափերում: Այդ ժամանակ հիմնուեց Կովկասում առաջին կարանտինը *) Բաքում և Լէնքօրանում պարսկական ծովափից եկած ասլրանքների ու նաւերի համար:

Հազիւ հինգ տարի էր անցել, երբ 1828-ին Բազուի շրջանում բռնկուեց երկրորդ համաճարակը: Հետեւեալ տարին խոլերան մտաւ հիւսիսային Կովկաս, իսկ 1830-ին, յունիսի

*) Տես եջ...

27-ին երևեցան առաջի դէպքերը Թիֆլիզում: Այն ժամանակուա գինուորական նահանգապետ զներալ Սորիկալովը շատ խիստ միջոցներ ձեռք առաւ ցաւի տարածուելու դէմ, բայց այդ միջոցները բաւարար չէին: Նա ի միջի այլոց զանգատում էր գլխաւոր հրամանատար գրաֆ Պասկեվիչին, թէ ռեժիշկների պակասութիւն կայ, որովհետեւ եղածներից՝ երկուսը ուրիշ տեղ են ուղարկուած, իսկ մնացածներից էլ երկուսը արդէն մեռել են»: Այս համաճարակը այնքան սաստիկ էր, որ քաղաքը անայի դարձաւ, — մնացել էին միայն ծառայողները և աղքատները, որոնք միջոց չունեին փախչելու: Պասկեվիչն ինքը քաջալերում էր ժողովրդի փախուստը. նա փակեց բոլոր կառավարչական ստեանները: Փախչողները, ի հարկէ, տարածեցին հիւանդութիւնը շրջակա գաւառները: Այս համաճարակը ահագին աւերումներ արեց, միայն Թիֆլիզ քաղաքում 53 օրուա մէջ խոլերայից մեռան 3,000 մարդ, ուրեմն 10 հոգուց մէկը, որովհետեւ այդ ժամանակ քաղաքում հազիւ 30,000 բնակիչ լինէր: Այս պատճառով էլ այս համաճարակը յայտնի է մեր մէջ «մեծ խոլերա» անունով: Երրորդ համաճարակն սկսուեց Ախալցխայի գաւառում 1839 թուին,

յետո 1840-ին երևաց Ալեքսանդրապօլում, իսկ հետևեալ 41 և 42 թուականներին տարածուեց Երևանի ու Շիրվանի գաւառները, բայց շնորհիւ ձեռք առած միջոցների, Թիֆլիզ չհասաւ:

«Մեծ խոլերայից» պահաս սաստիկ չէր նաև այն համաճարակը, որը բռնկուեց 1847 թուականին:

Այդ տարուա յունիս ամիսն անտանելի շոք էր և խոլերան ամբողջ երկրում զարհուրելի ծաւալ ստացաւ ու զոհերի թիւը սկսեց արագութեամբ օրէցօր աճել: Այս համաճարակը այնպիսի սարսափ զցեց, որ Ներսէս Հինգերորդ կաթողիկոսի հրահանով ամեն օր եկեղեցիներում մաղթանքներ են կատարուում և պատարագ մատուցանուում: Ամենքը հաղորդուում էին, որովհետև ոչ ոք չէր կարող յուսալ, թէ կզուց կենդանի կլինէր: Եւ, յիրաւի, ականատեսների ասելով, հիւանդութիւնը սպանում էր իր զոհին $\frac{1}{4}$ — $\frac{1}{2}$ ժամուա մէջ. զոհերի թիւը օրական հարիւրի էր հասնում:

Հետևեալ համաճարակները աւելի թեթև անցան, թէև դարձեալ բաւականին զոհեր տարան: Շատ փաստուեցին ռուս զօրքերը 1855 թուին, թուրքերի հետ պատերազմելու ժա-

մանակ: 1857-ին խոլերան դարձեալ Պարսկաստանից անցաւ ու հասաւ Թիֆլիզ. յետո միքանի տարի դադարեց և նորից երևաց 1865—66 թուականներին, բայց այս անգամ նա եկել էր Ռուսաստանից, որտեղ նա աւերումներ գործեց մինչև 1870 թուականը: Ամենից առաջ համաճարակը երևաց Կուբանի շրջանում: Կարճ ժամանակից յետո Փոթին ու Գութայիսը երթարկուեցին այդ ցաւի սոսկումներին և յաւն արագութեամբ տարածուեց ու ճարակեց մինչև Թիֆլիզ, Գանձակ ու Շուշի ու մտաւ Բագուի նահանգը: Պաշտօնական տեղեկութիւնների համաձայն, 1871 թուին մեռան խոլերայից 2124 հոգի. բայց այդ թիւը անտարակոյս պահաս է իսկականից:

Այնուհետև մինչև 1892-ը այլևս խոլերայի մասին ձայն չկար, երբ յանէարծ նա բռնկուեց Բագուում, ուր բերուել էր Պարսկաստանից Անդրկասպեան երկրի վրայով:

Այս համաճարակը դեռ թարմ է ամենքի յիշողութեան մէջ: Բագուից նա անցաւ Թիֆլիզ. իսկ այտուեղից ձիւղաւորուելով, մի կողմից հասաւ Բաթում ու Սև ծովի ափերը, իսկ միւս կողմից Երևանի նահանգն ու Կարսի շրջանը: Այս վերջին խոլերայի զլխաւոր օջաղները

դարձան Բագուն ու Երևանը, որտեղ շատ մարդ կոտորուեց և աւելի շատ կկոտորուէր, եթէ կառավարութիւնն ու քաղաքային վարչութիւնները խիստ միջոցներ ձեռք առած չլինէին:

2. ԻՆՉ Է ԽՈՒՆԵՐԱՆ ԵՒ ՄԱՐԳԻՆ ԻՆՉՊԼՍ ԵՆ ՎԱՐԱԿԻՈՒՄ

Խուերան մեծ վարակիչ զօրութիւն ունի: Այս պատճառով էլ նա այդպէս արագ անցնում է զիւղից-զիւղ, քաղաքից—քաղաք և կարճ ժամանակում դառնում է սարսափելի համաճարակ, այսինքն, հեղեղում է աւերող շերտեր ու պետութիւններ:

— «Իսկ ի՞նչ կերպ է տարածւում այդ հիւանդութիւնը», կհարցնի ընթերցողը:

Ենթադրենք, թէ մի որևէ տեղ, օր. Ռեշտում (Պարսկաստանում) խուերա կա: Ամենքը զիտեն, որ այդ քաղաքից նաւերով մարդկանց ու ապրանքներ են բերում Բագու: Ահա՛ այդ նաւերից մէկի վրա գալիս է խուերայով հիւանդ մի մարդ ու դուրս է գալիս Բագու: (Սակայն իսկի անհրաժեշտ էլ չէ, որ եկողն ինքը հիւանդ լինի. բաւական է, որ նրա մաշիբաշի

կամ արկղի մէջ մի խուերայով հիւանդին պատկանող իրեր դնուեն, օրինակ. նրա սպիտակեղէնը կամ հագուստը): Ենթադրենք, որ այդ եկուորն իջնում է իր ազդականների կամ ծանօթների մօտ և այնտեղ մնում է 2—3 օր և յանկարծ երրորդ կամ չորրորդ օրը սարսափով նկատում են, որ անեցիկներից մէկը լուծ է ընկնում, զոխում է և մահուան դուռն է հասնում: Կանու՞մ են բժշկին և սա յայտնում է, թէ հիւանդը խուերա է ընկել. — «Ի՞նչպէս թէ խուերա, ո՞րտեղից եկաւ», զարմանքով հարցնում են անեցիք ու սարսափահար եղած, հազար ու մէկ կերպով ջաջատրում, թէ ի՞նչպէս հիւանդացաւ այդ խեղճը: Բայց բըժիշկը հարցութեամբ է անում և իմանում, որ վարակումն եկել է Ռաշտից, որտեղ համաճարակ կա:

Այդ դեռ բոլորը չէ: Հիմի աւելի հեռու գնանք: Յիշած հիւանդին մօտիկ մարդկանցից մէկը ուղղակի Բագուից գնում է Բաթում առանց Թիֆլիզում կանգ առնելու և յանկարծ Բաթումի մէջ էլ խուերայի դէպքեր են յայտնուում: Ի՞նչպէս պատահեց այդ: Ահա՛ թէ ինչպէս: Այն մարդը թոյնը ստացել էր Բագում առաջին հիւանդից, բայց դեռ ևս այդ թոյնը

այնքան չէր անել նրա մարմնի մէջ, որ հիւանդացնէր նրան. միքանի օր պէտք է անցնէր: Այդ միքանի օրուա մէջ նա առողջ էր մնացել, իսկ մինչև Բաթում հասնելը վարակը (վարակիչ թոյնը) զօրեղացել էր նրա մէջ ու հիւանդացրել նրան: Յետոյ այս հիւանդից վարակում են ուրիշները, ու այդ մարդի շուրջը երևում են մի շարք խոլերային դէպքեր և այդպիսով Բաթում քաղաքում ծագում է ու տարածում խոլերային համաճարակը, թէև, կրկնում ենք, Բագուի ու Բաթումի մէջ ո՛չ մի հիւանդական դէպք պատահած չէ:

Կարող է պատահել նաև այսպէս. ոչ մի մարդ չի եկել վարակուած տեղից այս ինչ քաղաքը, բայց էլի խոլերան երևում է: Ի՞նչպէս է լինում այդ: Հետազօտեցէ՛ք և կիմանաք, որ թէև ո՛չ-ոք չի եկել, բայց դրա փոխարէն վարակուած տեղերից բերուած են քաղաք գանազան ապրանքներ և վարակիչ թոյնը դրանց հետ է ներս մտել:

Այստեղից պէտք է եզրակացնենք այն, որ եթէ մի տեղ խոլերա է երևում, պէտք է համոզուած լինենք, որ նա ինքնիրան չի ծագել, այլ բերուած է կամ մարդկանց կամ ապրանքների միջոցով:

Եւ, յիրաւի, եթէ հետևենք խոլերային համաճարակների ընթացքին, կտեսնենք, որ այս հիւանդութիւնը տարածում է երկաթուղիների դժով, զետերի ու ծովերի ավերով և առհասարակ հաղորդակցութեան ճանապարհներով (որոնցով մարդիկ կամ ապրանքներ են տեղափոխուում) և այդ տեղերից միայն մտնում երկրի խորքերը:

Մեր բոլոր ասածները ապացուցում են այն, ինչ որ վերևն ասեցինք, այն է. խոլերան տարածում է անմիջական վարակումից թէ՛ մարդկանց եւ թէ՛ վարակուած իրերի միջոցով: Այդ բանի ապացոյցներից մէկն էլ այն է, որ եթէ շրջապատենք մի որևէ դիւղ կամ քաղաք շղթայով այնպէս, որ ո՛չ-ոք ներս չմտնի, նոյնպէս և ոչ մի բան չընդունենք դրսից, այդ դիւղում ու քաղաքում ո՛չ մի մարդ չի հիւանդանա, թէկուզ չորս կողմը խոլերան կոտորած անի:

3. ԽՈՒՆԵՐԱՅԻ ՎԱՐԱԿԸ (ԹՈՅՆԸ) ԿԱՄ ՄԻԿՐՈՐԸ

Մենք շատ անգամ գործ ենք անել վարակ, թոյն եւ վարակումն բառերը: Այժմ տես-

նենք, թէ ի՞նչ են նշանակում գրանք:

Վարակը մի կենդանի թոյն է, որը մտնելով մեր մարմնի մէջ, թունաւորում է մեզ:

Մենք շատ թոյներ ենք ճանաչում. մկրն-
զեղն էլ թոյն է, սնդիկն էլ թոյն է, օպի-
ումն էլ: Սրանք բոլորը կարող են թունաւո-
րել մեզ միմիայն այն ժամանակ, երբ նրան-
ցից որոշ քանակութեամբ ենք կուլ տալիս,
իսկ եթէ քիչ չափով ընդունենք, ո՛չ մի վնաս
չի հասնի մեզ, մինչև անգամ օգուտ էլ է, ո-
րովհետև գրանք զեղեր են որոշ հիւանդու-
թիւնների դէմ:

Խոլերայի թոյնը գրանց նման է: Նրա
աձենաչնչին մասնիկն էլ ընկնելով մեր կազ-
մուտքի (մարմնի) մէջ, կարող է սարսափելի
արագութեամբ անել ու թունաւորել մեզ:

Մի ուրիշ զանազանութիւն էլ կա: Երբ
հասարակ թոյներից մի մարդ որոշ չափով ըն-
դունի, նա կամ կմեռնի կամ ոչ, և վերջացաւ,
էլ ուրիշների վրա ո՛չ մի ներգործութիւն չի
անի: Ուրեմն թոյնը անհետանում — կորչում
է առաջին հիւանդի մէջ: Այնինչ խոլերայի
թոյնը չի անհետանում հիւանդի մեռնելուց
յետո էլ, և կարող է նրանից անցնել (փո-

խուել) ուրիշներին և նրանց էլ սպանել:

Ուրեմն խոլերայի վարակը մի առանձին
տեսակի թոյն է, որը միշտ շատանում է,
աճում է հիւանդի մարմնի մէջ և մէկից
դուրս գալով ուրիշներին էլ է վարակում:
Մի խօսքով սա մի կենդանի թոյն է:

Ի՞նչ է այս կենդանի թոյնը:

Մինչև 1883 թուականը մեծ դիտնա-
կաններից անգամ ո՛չ ոք չէր կարող այս հար-
ցին պատասխանել, բայց այս տարում գերմա-
նացի յայտնի գիտնական Կոխ մեծացող ա-
պակիների (մանրացոյցի) միջոցով դուռ խոլե-
րայով հիւանդների կղիղանքի (զուրս գնացածի)
ու փսխանքի մէջ առանձին չափազանց մանր
էակներ (սուսկեր), որոնք առանց մանրացոյցի
չեն երևում և որոնք խոլերայի իսկական
պատճառներն են: Սրանց անունը դրեցին խո-
լերային մանրիկ կամ միկրոք, ասում են նոյն-
պէս խոլերային ցուալիկ կամ խոլերային ստո-
րակէտ: Այդ զիւտից յետո գիտնականների ա-
րած բազմաթիւ դիտումները ազատուցեցին,
որ հէնց այդ անտեսանելի մանր էակներն են
խոլերայի վարակը. գրանք են, որ աճելով մեր
մարմնի մէջ, սպանում են մեզ:

Եթէ խոլերայով հիւանդի նոր փսխածից կամ

դուրս գնացածից մի կաթիլ դնենք մանրացոյցի ապակու վրա ու նայենք, կտեսնենք որ խոլերայի ցուպիկները շարժուում են: Գիտնականները մինչև անգամ կարողացան տեսնել, թէ ինչ կերպ են աճում ու բազմանում նրանք: Եւ տեսան մի զարհուրելի բան, այն է. որ նրանցից ամեն մէկից մի օրուա մէջ կարող է գոյանալ մի քանի միլիօն: Բայց մի տեղ միայն նրանք չեն կարողանում աճել, այլ ոչնչացնում են. դա ստամոքսի թթու հիւլթն է: Այս պատճառով էլ չպէտք է գործ ածել աղային ուտելիքներ սւ խմելիքներ, որորհետե սրանք պակասեցնում և ստամոքսի հեւթի թթուն:

Ինչպէս միքանի թունաւոր սունկեր սարսափելի թոյներ են պարունակում իրանց մէջ, այնպէս էլ այդ անտեսանելի սունկիկները տկար մարդկանց ստամոքսի ու աղիքների մէջ աճելով արտադրում են մի զօրեղ թոյն, որը երբեմն մի քանի ժամուա ընթացքում սպանում է հիւանդին:

Խոլերային ցուպիկը զարգանում է ու աճում նոյնպէս և մեր կազմուածքից դուրս, այն է. ջրի մէջ, բոլոր ուտելիղէնների, կեղտի ու աղտի մէջ և առհասարակ խոնաւ ու կեղտոտ տեղերում, որտեղ նրանք պարարտ հող

են գտնում իրանց աճման հաւար: Եւ, ընդհակառակը, մաքրութեան մէջ, լոյս և արեաշատ տեղերում նրանք չօրանում են ու ոչնչանում:

Խոլերան, ճշմարիտ որ, աւելի զարգանում է այն երկրներում, որտեղ որ ժողովուրդը կեղտոտ է սպրում: Եթէ համեմատենք հէնց միևնոյն քաղաքի զանազան մասերը, կը տեսնենք, որ կեղտոտ թաղերում խոլերան աւելի զօհեր է տանում, քան մաքուր: Ահա՛ թէ ինչի խոլերային ստորակէտ ցուպիկները բուն են զրել, ինչպէս ասել ենք, Հնդկաստանում, Գանգէս գետի ափերում: Այդտեղից ցուպիկները հիւանդների ու ապրանքների միջոցով անկոչ հիւրեր են դառնում մեր երկրներում: Բարեբաղդարար նրանք մեր բարեխառն կլիմայում չեն կարողանում ապրել: Նրանք այնտեղերում են աւերածներ զործում, որտեղ ժողովուրդը կեղտոտ կեանք է վարում, իսկ մաքրասէր ժողովրդի մէջ նրանք կերակուր չեն գտնում ու ոչնչանում են:

4. Ի՞նչպէս է ՄՏՆՈՒՄ ՄԵՐ ՄԱՐՄԻՒ ՄԷՁ ԽՈՒՆԵՐԱՅԻ ՎԱՐԱԿԻՉ ԹՈՅՆԸ

Խոլերայի թոյնը կարող է մտնել մեր մարմնի մէջ գլխատորապէս ուտելիքի ու խմելիքի



3429-84

Հետ, նմանապէս և վարակուած փոշու (թողի) Հետ, որի մէջ խօլերային ցուպիկներ կան: Կարելի է վարակուել նոյնպէս և դիպչելով այնպիսի առարկաների, որոնք կեղտոտուած են Հիւանդի արտաթորութիւններով ու փրսխուածքով:

Այն անձինք, որոնք խնամուած են Հիւանդին, նոյնպէս և նրանք, որոնք յարակցութիւն ունեն վարակուածների Հետ, կարող են վարակուել այդ բոլոր միջոցներով: Երբ մենք դիպչում ենք կամ ձեռ ենք տալիս խօլերային արտաթորութիւններով կեղտոտուած իրերին (բարձ, վերջակ, դոշակի սաւան, սպիտակեղէն), այն ժամանակ խօլերային անտեսանելի ցուպիկները կպչում են մեր ձեռներին և եթէ մենք անլուա հաց ուտենք, կամ ձեռներս բերաններս տանենք, կարող ենք կերակուրի Հետ կուլ տալ այդ ցուպիկներն ու թունաւորուել: Ահա՛ թէ ինչի Հիւանդապահճը չպէտք է անլուա ձաշի նստի, այլ վաղօրօք պիտի լաւ լուանա ձեռները սապոնով ու մաքուր տաք ջրով, իսկ յետոյ ախտահանի մի որևէ ախտահանիչ դեղով, որոնց մասին յետո կխօսենք:

5. Ի՞նչ ՉՊԷՍ ԵՆ ՄԱՐԳԻԿ ՎԱՐԱԿԻՈՒՄ ԶՐԻ ՄԻՉՈՅՈՎ

Բացի անմիջական շփումից Հիւանդի Հետ, մարդ կարող է վարակուել խօլերայով նոյնպէս և ջրի միջոցով:

Անցեալ 1892 թուականին Երևանում կոտորուեց, ինչպէս ասում են, ազգաբնակութեան մի երրորդ մասը: Ա՛նքողջ քաղաքը սուզի մէջ մտաւ: Ո՛վ կարող էր—փախչում էր սարերը, իսկ խեղճ ժողովուրդը և յատկապէս աղքատ թուրքերը, որոնք կարելիութիւն չունէին փախչելու, սարսափելի քանակութեամբ կոտորուում էին: Մահուան դէպքերը այնքան շատ էին, որ մարդ չէր մնացել դիակները թաղելու համար: Բազում նոյնպէս մեծ կոտորած եղաւ գլխաւորապէս բանուորների մէջ:

Իսկ Թիֆլիզում, որտեղ 150 հազար բնակիչ կար, հազիւ 100 մարդ մեռաւ:

Ինչի՞ց էր այդ ահազին տարբերութիւնը: Ինչի՞նք մի քաղաքում բնակիչների մի երրորդականն է մեռնում, իսկ միւսում հազիւ 1500-ից մէկը:

Ի հարկէ, դրա պատճառը Թիֆլիզի մաքրութիւնն էր, այնտեղի կեանքի աւելի լաւ

պայմանները: Բայց գլխաւոր պատճառը այն էր, որ քաղաքում գործ էին ածում Կուր գետի ջուրը, այլ ջրանցքի ջուրը: Այնինչ, Բաղւում ու Երևանում խմելու ջուրը աղտոտուած էր խոլերային արտաթորութիւններով և, հետեւապէս, վարակուած: Եւ, յիշուի, Երևանում շատ փողոցների միջով անցնում են բաց ջրանցքներ, որոնց մէջ բնակիչները շատ անգամ (զիշերները) լցնում են իրանց կեղտաջրերը, նոյնիսկ աղտոտութիւնները: Փողոցներից այս ջրերը մտնում են աների բակերը, որտեղ ժողովում են երբեմն աւազանների մէջ, ջրում են մարգերն ու այգիները: Այս ջրանցքների ու աւազանների մէջ խոլերային տարին էլ (ինչպէս միշտ) բնակիչները լուանում էին խոլերահիւանդների սպիտակեղէնը, իսկ զիշերները թաքուն նոյնիսկ թափում էին հիւանդի աղտոտութիւններն ու աղբը: Պարզ է, որ այդ ջրանցքների ջուրը սարսափելի կերպով աղտոտուած պիտի լինէր և պիտի առատութեամբ տարածէր խոլերան անից-տուն, թաղից-թաղ, վերեւից ներքև: Բաղւում ևս խոլերայի այդքան ուժեղ լինելը կարելի է նոյնպէս մեծ մասամբ վերագրել վատ ջրին:

Առհասարակ խոլերան մեծ կոտորած է

անում այն տեղերում, որտեղ բնակիչները կեղտոտա գետի կամ ջրհորի ջուր են գործ ածում: Ջրհորի ջուրը աղտոտուած է նրանից, որ խոլերայով հիւանդի արտաթորութիւնները առանց ակտահանելու թափում են գետին, ջրհորի մօտ, կամ երբ ջրհորը արաքնոցների մօտ է, որովհետև այդ աղտոտութիւնները ձգւում են գետնի մէջ ու հասնում ջրհորի ջրին: Այս հիւանդ վրա է, որ բժիշկները խորհուրդ են տալիս խոլորայի ժաշանակ ծածկել այն ջրհորները, որոնք աների մօտ են:

6. ԽՈՒՆԵՐԱՅԻ ՆՇԱՆՆԵՐԸ

Թոյնը մեր մարմնի մէջ մտնելուց երկուերեք օր անցած, հիւանդութիւնը սկսում է իրան ցոյց տալ: Գլխաւոր նշաններն են. լիքստում (սիրտ թափել) և փորլուծութիւն: Յանկարծ հիւանդը սկսում է միմեանց ետեւից դուրս գնալ. լուծում է ջրալի և գնալով աւելի և աւելի յաճախ է դուրս գնում: Այս փորլուծումների ժաշանակ, բացի թեթև ծակոցներից ուրիշ առանձին ցաւեր ստամոքսի մէջ չեն զգացւում: Փորլուծութիւնը օրական

20—30 անգամ և նոյնիսկ դրանից էլ աւել է կրկնուում: Դուրս գնացածը բոլորովին ջրալի է դառնում, նմանում է բրնձաջրի: Սրանից հիւանդը, ի հարկէ, սաստիկ նեղանում և քաճում է, որովհետև այդ փորլուծութիւնը խլում է նրանից բոլոր հիւթերը, մանաւանդ որ փորլուծութեան հետ միասին անդադար փսխումն է լինում:

Այսպիսով մարմնի հեղուկը անդադար ահազին չափերով կորչում է, որից հիւանդի արիւնը թանձրանում է, իսկ այս պատճառից առաջանում է այն բանը, որ հիւանդի կաշին չորանում է ու սառչում, մէզը պակասում է և նոյնիսկ բոլորովին կորուում: Երբ բանն այստեղ է հասնում, սկսում են ծանր երևոյթներ. հիւանդի շնչառութիւնը դժուարանում է, կուրծքը կարծես ճնշում է, ամբողջ մարմինը, մանաւանդ ձեռներն ու ոտները սառչում են: Անդամները ամեն րոպէ սաստիկ ձգձգում են, անտանելի ցաւեր պատճառելով հիւանդին: Արագ կերպով, 2—3, օրուա, յաճախ էլ միքանի ժամուա ընթացքում հիւանդը սարսափելի կերպով լղարում է. մարմնի ամբողջ կաշին չորանում է և մագաղաթի պէս դառնում. աչքերը խոր են. ընկ-

նում, ձայնը խուպոտ է դառնում ու թոյլ, լեզուն փայտանում է, բերանը սաստիկ չորանում: այս դրութեան մէջ վրա է հասնում մահը:

Բարեբաղդաբար, ամեն հիւանդի ճակատին անխուսափելի մահ չի գրուած: Շատերը առողջանում են կամ այն պատճառով, որ ժամանակին բժշկական օգնութիւն են ստանում կամ թէ այն պատճառով, որ հիւանդը պինդ ու առողջ կազմուածք ունենալով, աջողութեամբ կարողանում է դիմադրել թոյնին և յաղթում է:

Առողջանալու դէպքում փորլուծութիւնը և փսխումը կանգ են առնում, ջղերի կծկուելը դադարում է. միանգամից առատ քրտինք է վրա դալիս, մէզը բացւում է, աչքերը նորից իրանց առաջուա փայլն են ստանում, բերանը ջրակալում է և հիւանդը արագ լաւանում:

Խոլերան, ի հարկէ, միշտ այսպիսի խիստ ձեռով չի արտայատուում: Նրա նշանները առհասարակ փոփոխական են: Մի տեսակ հիւանդացողներ միայն թեթեւ փորլուծութիւն և փսխում են ունենում. այսպիսի խոլերան ուրիշ անուն ունի—խոլերինա: Միւսները աւելի ծանր փորլուծութիւններ են ունենում և նոյնիսկ ջղաձգութիւն էլ է լինում նրանց ան-

դամները մէջ. վերջապէս հիւանդացողները մի մասն էլ վերեւում նկարագրուած ահաւոր երկուոյթներն են ունենում: Միայն չպէտք է մոռանալ, որ խոլերայի համաճարակի ժամանակ ամեն մի, նոյնիսկ թեթեւ, ստամոքսային խանգարումը (փորլուծութիւնը) պէտք է բժշկել ինչպէս խոլերա. որովհետեւ այդ տեսակ հիւանդների լուծածի և փսխածի մէջ նոյնպէս գտնուում է խոլերայի կենդանի թոյնը, որը կարող է վարակում տարածել և հիւանդացնել շատերին խոլերայի ծանր տեսակով: Ուստի և արդարացի է մի գիտնական, որ ասել է. «Աւելի լաւ է հարիւր փորլուծութիւն խոլերայի տեղ ընդունել, քան թէ մի խոլերան հասարակ փորլուծութեան տեղ»:

7. Ո՞ՎՔԵՐ ԵՆ ԱԻԵԼԻ ՅԱՃԱԽ ՀԻՒԱՆԴԱՆՈՒՄ ԽՈԼԵՐԱՅՈՎ

Խոլերան միշտ շատ զոհեր է տանում աղքատ մարդկանց շրջանից, որովհետեւ աղքատ մարդիկ վատ են կերակրուում, ուժասպառ են դառնում աշխատանքից և խճուղիք են խոնառ ու կեղտոտ բնակարանների մէջ:

Այս պատճառով խոլերայի ժամանակ բա-

նուորներն ու աղքատ մարդիկ պիտի հեռանան իրանց խոնառ բնակարաններից, նկուղներից: Ամառ ժամանակ գիւղերում աւելի լաւ է վրաններ սարքել և ապրել նրանց մէջ, քան թէ մնալ մեր ողորմելի գիւղերի ստորերկրեա խրճիթներում:

Թոյլ, հիւանդ, վատ կերակրուող մարդիկ հեշտ են թոյնը ընդունում իրանց մէջ և դժուար են առողջանում, քան թէ առողջ և լաւ կերակրուող մարդիկ: Այս պատճառով ամեն մէկը, վարակմանը ուժեղ կերպով դիմադրելու համար պարտաւոր է, ինչպէս էլ լինի, լաւացնել իր սնունդը և՛ ամբողջ ապրուստը: Միևնոյն ժամանակ նա պիտի շատ ծանր աշխատանք չունենա, պիտի հեռու պահի իրան հոգեկան յուզմունքներից և առհասարակ ա՛յն բոլոր բաներից, որոնք մարդի թուլացնում և ուժասպառ են դարձնում:

Հիւանդանում են և նրանք, որոնք խանգարում են իրանց ստամոքսը առատ ճաշերով և արբեցողութեամբ, որովհետեւ խանգարուած և հիւանդ ստամոքսի մէջ վարակման թոյնը աւելի է զարգանում: Յայտնի է, որինսկ, որ տօներին հետեւող օրերը (գլխաւորապէս երկուշաբթի և երեքշաբթի) խոլերայով հիւան-

դացողների թիւը աւելանում է: Սրա պատճառն այն է, որ կիրակի օրերը բանուորները քէֆ են անում, խճուճ են և խանդարում են իրանց ստաճոքսը:

Այստեղից մի խրատ—խոլերային համաճարակների ժամանակ երբէք չպէտք է քէֆեր սարքել ևւ արքեցողութիւն անել:

Հեշտ են հիւանդանում և վախկոտ մարդիկ: Սա էլ հասկանալի է: Այդպիսի մարդիկ շարունակ ահ ու երկիւղի մէջ են, թէ կհիւանդանան այդ սարսափելի հիւանդութեամբ, որից, նրանց կարծիքով, աղատուելու ճար չկա, այսպիսով նրանք զրկուում են քնից և հանգստութիւնից: Բացի դրանից, ամեն տեղ և ամեն բանի մէջ վարակում տեսնելով, նրանք վախենում են նոյնիսկ ուտելուց և խմելուց, սոված են մնում և այսպիսով ոյժից ընկնում են: Այդ վախկոտները հէնց որ մի ամենաթեթեւ ցաւ են զգում ստաճոքսի մէջ, յուսահատուում են և իրանց կորած են համարում: Այս բոլորը թուլացնում է նրանց մարմինը. իսկ թոյլ մարմինը, ինչպէս ասացինք վերևում, հեշտ է հիւանդանում:

ԵՐԵՐՈՐԴ ՄԱՍ

ԻՈՒԼԵՐԱՅԻՅ ՊԱՇՏՊԱՆՈՒԵԼՈՒ ՄԻՋՈՅՆԵՐԸ

I. Ի՞նչ միջոցներ է ձեռք առնում կառավարութիւնը խոլերայի դէմ:

Հարևան պետութիւնների մէջ խոլերա երևալուն պէս ամեն մի կառավարութիւն, իր երկիրը խոլերա մոցնելուց պահպանելու համար, ձեռք է առնում հետևեալ միջոցները.

1. Կարանտին, շրջափակում կամ կորդօն: Երբ կառավարութիւնն իմանում է, որ հարևան պետութիւնների մէջ (օրինակ. Պարսկաստանում կամ Թիւրքիայում) խոլերայի դէպքեր են երևացել, նա խիստ միջոցներ է ձեռք առնում, որպէսզի այդ տեղերից ո՛չ ոք չանցնի սահմանը և իր հետ վարակիչ հիւանդութիւնը չբերի մեզ մօտ: Այս նպատակով բոլոր ճանապարհորդները, որոնք գալիս են վարակուած տեղերից, արգելում են սահմանի վրա 10—15 օր փորձելու համար: Եթէ

այդ ժամանակ արգելուածներն մէջ ՚՛ւ-ը չի հիւանդանում, նրանց բոլորին թողնում են, հակառակ դէպքում, նրանց էլի երկար պահում են, մինչև որ հասնողուն, որ նրանց մէջ այլևս խոլերայով վարակուած մարդ չըկա: Այս միջոցը անուանում է ցամաքային կարանտին: Նոյն կերպ վարում է իշխանութիւնը և այն նաւերի հետ, որոնք գալիս են մեր նաւահանգիստները (Բաթում, Բաղու). — ճանապարհորդներին չեն թոյլ տալիս ամ իջնել, արգելում են նրանց նաւի մէջ ամից հետո, մի յայտնի ժամանակով: Սա ծովային կարանտինն է:

Իսկ երբ երկրի մէջ (օրինակ. որեւէ նահանգում կամ զաւառում) երևան են գալիս խոլերայի դէպքեր, այդ ժամանակ հաստատում է կօրրոն կամ շրջափակում, այսինքն. զօրքերը շրջապատում են այդ տեղը և չեն թոյլ տալիս բնակիչներին դուրս գալ, դէս ու դէն ցրուել և վարակուել տարածել հարևան զաւառները կամ նահանգները:

2. Կառավարութիւնը հոգս է անում նոյնպէս, որ հիւանդներին հանն աներից և տանն հիւանդանոց: Այս միջոցը շատ կարևոր է նախ այն պատճառով, որ հեռացնում են անից

վարակիչ թոյնը և դրանով ազատում են այդ տան միւս բնակիչներին վարակումից, և երկրորդ այն պատճառով, որ հիւանդին դնում է ասելի լաւ սպասանների մէջ բժշկութեան համար, որովհետև հիւանդանոցներում միշտ աւելի լաւ և հեշտ կարելի է բժշկել խոլերան, քան տանը:

3. Հիւանդին հիւանդանոց տանելուց յետո կամ երբ նա մեռնում է, պահանջում է մաքրել և անտահանել այն բնակարանը, ուր նա պառկած էր, և այն բոլոր իրերը, որոնց նա դիպել էր: Անտահանութեան նպատակն է ոչնչացնել այն կենդանի թոյնը, որը խոլերայի պատճառ է դառնում: Սակայն միայն մաքրելը, որքան էլ նա խնամքով լինի կատարուած, չի կարող սպանել-ոչնչացնել այդ կենդանի թոյնը:

Մեծ քաղաքներում, ինչպէս Թիֆլիզում, Բագուում, Բաթումում, զոյութիւն ունեն առանձին հիմնարկութիւններ, որոնք կոչւում են անտահանական կամերա և որոնց մէջ կատարում է հիւանդին սպտկանող իրերի անտահանութիւնը: Միւս քաղաքներում այս բանը պիտի կատարեն բժիշկներն ու ֆելդշերները:

4. Բացի այս բոլորից, խոլերայի կամ ժանտախտի համաճարակների ժամանակ պէտք

է յայտնել իշխանութեան, թէ ո՞րտեղ ո՞վ է հիւանդացել: Այս պարտաւորութիւնը դրուած է ազգականների, տանտէրերի և հիւանդին խնամող բժշկի վրա: Այս միջոցի նպատակն այն է, որ իշխանութիւնը կարողանա օգնութեան գալ հիւանդին և ժամանակին միջոցներ ձեռք առնէ, որ հիւանդութիւնը չտարածուի:

Ահա՛ թէ ինչեր է պահանջու՞մ կառավարութիւնը մեզանից մեր լաւութեան համար: Ժողովուրդը պիտի գնահատի այն ամենը, ինչ արուժ է նրա օգտի համար և պիտի օգնի կառավարութեան, որ զործադրուեն այդ միջոցները, և ոչ թէ ընդդիմանա այդ միջոցներին ինչպէս վերջին խոլերային համաճարակի ժամանակ արին միքանի նահանգներու՞մ ազէտ մարդիկ:

II. Ի՞նչ պէտք է անել, երբ խոլերան երևացել է հարեւան քաղաքներում և գիւղերում.

Երբ մի քաղաք կամ գիւղ լուր է առնում, որ խոլերան մտնում է, բնակիչները պէտք է հաւաքուեն և միասին քննեն իրանց դրութիւնը: Գրադէտները, օրինակ, ուսուցիչները, քահանաները պիտի ժողովրդի մէջ կար-

դան գրքոյկներ խոլերայի մասին և բացատրեն, թէ ի՞նչ օգուտ ունեն իշխանութեան և բժիշկների առաջարկած միջոցները: Իսկ ժողովուրդը պարտաւոր է կատարել այդ բոլոր խորհուրդներն ու պահանջները, որովհետեւ ամեն ինչ արուժ է ժողովրդի օգտի համար:

Ամեն մէկը պարտաւոր է զգոյշ լինել և չընդունել իր մօտ կասկածելի տեղերից եկածներին և առհասարակ չպիտի որևէիցէ յարաբերութիւն ունենա նրանց հետ:

Փողոցները և աները պէտք է մաքուր պահել. ո՞չ-ոք չպիտի փողոցը կամ բակը գցի իր անմաքրութիւնները, իր զիբիլն ու աղբը, այլ պարտաւոր է հաւաքել արկղների մէջ և ամեն օր տանել քաղաքից կամ գիւղից դուրս և թաղել հողի մէջ, նշանակուած տեղերում:

Բնակիչների ունեւոր մասը, իր սեփական օգտի համար, պիտի օգնի աղքատ մասին, բաց անելով թէյարաններ, ձրի կամ էփանագին ճաշարաններ, հրաւիրելով բժիշկներ կամ ֆելդշէրներ ժողովրդին ձրի բժշկական օգնութիւն հասցնելու համար: Ես ասում եմ «իր սեփական օգտի համար», որովհետեւ պաշտպանելով աղքատներին վարակումից, հարուստ-

ները դրանով իսկ ազատում են և իրանց: Ոչնչացնելով վարակի օջախները, հարուստները դրանով իրանց սեփական կեանքն են պաշտպանում:

III. Ի՞նչ պէտք է անել, երբ վարակումը երևացել է քաղաքում կամ գիւղում:

Եղիւքան երբ երևում է մի տեղ, բնակիչները չպիտի սարսափահար լինեն և փախչեն, ընդհակառակը, ամենքը պիտի խմբուեն ընդհանուր թշնամու դէմ կռուելու համար:

Առաջին դործը պէտք է լինի հեռացնել հիւանդներին իրանց աներից և տանել հիւանդանոցները, յետո անհրաժեշտ է արտահանել նրանց բնակարանները:

Իսկ եթէ այդ տեղում չկա հիւանդանոց և հիւանդը պէտք է թողնուի տանը, այդ դէպքում պէտք է ձեռք առնել հետեւեալ միջոցները.

1). Հիւանդի դուրս գնացածը եւ փրսճախը ո՛չ մի դէպքում չպէտք է փողոց կամ բակը թափել, այլ պէտք է հաւաքել առանձին ախանների մէջ և թափել առանձին խոր փոսերի մէջ, որոնք փորւում են բակում (ջրհորներից հեռու): Ամեն անգամ էլ այս սղտո-

տու թիւնների վրա ամեն անգամ էլ պէտք է ածել թարմ հանգրած կիր և չոր հող: Աւելի լաւ կլինի անմաքուր թիւնները տանել քաղաքից կամ գիւղից դուրս, թափել յատկապէս փորած փոսերի մէջ և նոյնպէս ծածկել կրով և հողով:

2) Չի կարելի խոլերայով հիւանդի սպիտակեղէնն ու շորերը լուանալ այն դետում, որից բնակիչները ջուր են վերցնում:

3) Անհրաժեշտ է, որ հարեւանները ո՛չ մի յարաբերութիւն չունենան վարակուած աների հետ— ո՛չ իրանք գնան այնտեղ, ո՛չ էլ ընդունեն այնտեղից եկածներին:

Ծանօթութիւն: Հիւանդատեսութեան կարելի է և անվնաս է գնալ միայն այն դէպքում, երբ զգուշութեան բոլոր անհրաժեշտ միջոցները ձեռք են առնւում: Այդ միջոցները սրանք են. հիւանդի տեսութեան գնացողը ներս մտնելու միջոցին իր շորերի վրայից պիտի հագնէ քաթանի երկար շապիկ (խալաթ), որը պաշտպանում է նրան հիւանդի վարակիչ արտաթորութիւններից. դուրս գալու միջոցին շապիկը պէտք է հանել: Իսկ եթէ այցելուն շապիկ չի հագել, պիտի փոխի շորերը: Չպէտք է դիպել ո՛չ հիւանդին, ո՛չ էլ նրա իրերին:

Հիւանդի շօտից դուրս դալիս պէտք է լուս-
ցուել սապոնով ու տաք ջրով, և ապա մի որ-
ևէ ակտազանիչ դեղով, որի մասին ներ-
քընու՛մ կիսուենք:

4) Ամեն մէկը պարտաւոր է իր առող-
ջութեան վրա հսկել. հէնց որ մի ամենափոք-
րիկ տկարութիւն, փսխու՛մ կամ փորլուծու-
թիւն ունենա, պիտի դիմէ բժշկին:

5) Չպէտք է թոյլ տալ ո՛չ մի չափա-
զանցութիւն ո՛չ ուտելու, ո՛չ խմելու և ոչ էլ
աշխատելու մէջ. իսկ միւս բաներու՛մ չպէտք
է փոխել ապրուստի առաջուա եղանակը, եթէ
նա կանոնաւոր է եղել: Կերակուրը պէտք է
հեշտ մարսուող լինի և չափաւոր: Դժուար
մարսուող կերակուրները, օրինակ. չափազանց
իւղալինները, հու՛մ ընդեղէնները (բողի, կա-
ղամբ, շաղգամ, գաղար), խոզի միսը, երշիկը
(կալբաս) և առհասարակ ապխտած (ծխով չո-
բայրած) մսեղէնները, վատ պանիրը, թթուած
կաթն ու մածուենը, խմոր հացը խիստ արգե-
լուած են:

6) Հու՛մ մրգեր խոլերայի ժամանակ կա-
րելի է գործ ածել միայն այն դէպքու՛մ, երբ
լուսացու՛մ են մաքուր, եփ տուած և սառ-
ցրած ջրի մէջ. աւելի լաւ է վերցնել մի թէյի

գդալ սալիցիլեան, կամ լիմօնի թթուուտ, խառ-
նել մի շիշ ջրի մէջ և դրանով լուանալ մըր-
դերը: Իսկ եթէ չի կարելի այդ զոռչուութիւն-
ները գործ դնել, աւելի լաւ կլինի առժա-
մանակ մրգեր բոլորովին չուտել:

7) Թոյլատրուած ուտելիքները, օրինակ.
լաւ պանիրը, կարագը, խոզի ապուխտը պէտք
է պահուեն ծածկուած ա՛մանի մէջ կամ փա-
թաթուած մաքուր թղթու՛մ, որպէսզի ճան-
ճերը վարակի թոյնը չնստեցնեն նրանց
վրա: Խորհուրդ ենք տալիս հացը, ուտելուց
առաջ, միքիչ դնել տաք վառարանի մէջ կամ
թէ նրա կտորները միքիչ պահել օջախի
կամ սպիրտի լամպայի բոցի վրա. ծայրայեղ
դէպքու՛մ պէտք է վերցնել վերեւի կեղևը և
մնացածն ուտել:

8) Ժողովրդի մէջ լսուք կա թէ սխտորը
պահպանու՛մ է խոլերայով վարակուելուց, ուս-
տի շատերը սխտոր են լցնու՛մ իրանց դրպան-
ները և ուտու՛մ մեծ քանակութեամբ: Այդ
չպէտք է անել: Այդպիսի քանակութեամբ
սխտոր ուտելը վնաս է, որովհետև սխտորը
գրգու՛մ է ստամոքսն ու աղիքները, ծարաւ է
առաջացնու՛մ և հարկադրու՛մ է շատ ջո՛րխմել:

9) Խոլերայի ժամանակ ամենալաւ խմե-

լիքը եռացրած և յետո սառչրած ջուրն է. ջրին կարելի է աւելացնել քիչ զինի կամ որ- ևէ թթւում (լիճօնի) կամ թթու սիրույ (նռան, հոնի և ուրիշ): Աղային ջրերը (սո- դայի, սելաէրեան) փնասակար են: Պէտք է խուսափել շատ սառն խմիչքից, պղպղակից, սառը բրդօշից (ակրօշիա) և այլն:

10) Փորն ու ոտները պէտք է տաք պա- չել. չի կարելի քնել խոնաւ տեղ, պառկել խոնաւ հողի վրա: Խորհուրդ ենք տալիս գործ ածել բրդէ կամ ֆլանէլի փորկապ:

11) Սովորած մարդիկ կարող են լողանալ գետում տաք եղանակին, եթէ միայն գետը չի անցնում քաղաքի վարակուած թաղերի միջով: Լողանալ կարելի է միայն ուտելուց 3—4 ժամ յետո:

IV. Ի՞նչ պէտք է անել, երբ վարակումն ըն- կել է տունը

Երբ մի տան մէջ խոլերա է ընկել, ան- հրաժեշտ է, ինչպէս արդէն ասել ենք, հի- ւանդին տեղափոխել հիւանդանոց կամ լազա- րէթ: Եթէ այդ բանն անկարելի է, պէտք է անից բոլոր միւս բնակիչներին հեռացնել. իսկ եթէ այդ էլ անհնար է անել, զօնէ պէտք է

հիւանդին մի առանձին սենեակում պաչել, ուր ո՛չ-ոք չպէտք է մտնի բացի հիւանդա- պաչից: Յաւակցաբար մեր զիւղերում յաճախ տները միմիայն մի հացատնից են բաղկա- ցած, որը թէ՛ խոհանոց է, թէ՛ ձաշարան, թէ՛ ննջարան և թէ՛ ախոռ: Այդպիսի բնակարան- ների մէջ, ի հարկէ, անհնար է առանձնա- ցնել հիւանդին և այդ դէպքում մնում է միայն բաւականանալ, որքան կարելի է, մաքրու թիւն պաչելով. հեռացնել փոխածն ու դուրս գնա- ցածը և ակտահանել այն ամենը, ինչի վրա որ ընկել են այդ աղտոտութիւններէ: Հիւան- դին խնամելու համար նրա մօտ պիտի մէկը մնա (սուհասարակ մայրը կամ կինը): Այս հի- ւանդապաչը նոյնպէս կարող է հիւանդանալ, եթէ նա խստօրէն չի սրահպանի հետեւեալ բո- լոր զգուշութիւնները: Նա հիւանդի մօտ մըտ- նելուց առաջ պիտի հագնի վերև յիշած շա- պիկը և դուրս դալիս հանի, չպէտք է երբէք բան ուտի կամ խմի այդ սենեակում, իսկ ուրիշ սենեակում էլ հացի նստելուց առաջ անպատ- ճառ պիտի լաւ լուանա ու ակտահանի իր ձեռներն ու երեսը (տե՛ս ակտահանիչ միջոց- ներ), իսկ բերանը միքանի անգամ ողողի բո- րային թթւումի խառնուրդով (մի թէյի զդալ

մի բաժակ տաք ջրի մէջ հալեցրած ու սառեցրած): Իր անձի մասին հիւանդ պահողը նոյնպէս պէտք է ամենախիստ մաքրութիւն պահպանի: Այդ զգուշութիւններով նա կարող է հիւանդի մօտ լինել ու խնամել նրան առանց ինքն էլ հիւանդանալու:

V. Ի՞նչպէս խնամել հիւանդին

1) Հիւանդին պէտք է պառկեցնել ամենամեծ, ամենամաքուր ու լոյս սենեակի մէջ: Այդ սենեակից պիտի դուրս տարուած լինեն այն ամեն իրերը, որոնք անհրաժեշտ չեն. այն է կահ - կարասիները (մանաւանդ փափուկները), գորգերը, վարագոյրները, նկարները, գրքերը և այլն) ու թողնել միմիայն երկու մահճակալ (մէկը հիւանդի, միւսը նրան խնամողի համար), մի սեղան, աթոռներ և ամենակարևոր իրերը:

2) Հիւանդի սենեակը պէտք է օդափոխել օրական մի քանի անգամ: Սենեակը պէտք է տաք լինի (15—16 աստիճան Բէօմբերի ջերմաչափով):

3) Հիւանդի արտաթորածն ու փսխածը պէտք է հաւաքել առանձին ամանի մէջ (զար-

շօկ), ծածկել կրով կամ մի որևէ ախտահանիչ դեղով ու դուրս տանել:

4) Յատակն ու կարասիքը, եթէ սրանք կեղտոտած են արտաթորութիւններով կամ փսխանքով, պէտք է մաքրել սպունդով կամ շորով, որ պէտք է թաթխած լինի կարբօլեան թթուութի կամ սուլեմայի լուծուածքների մէջ: (Տ. ներքև գլ. VIII): Եթէ յատակը հողից է, պէտք է կեղտոտած տեղի վրա խոյն նոր հանգցրած կիր ցանել:

5) Աղտոտած սպիտակեղէնը, լուացքի տալուց առաջ, պէտք է հաւաքել մի կաէ կամ փայտե ամանի մէջ, որի մէջ լցրած պիտի լինի մի որևէ ախտահանիչ դեղ: Այս սպիտակեղէնը չպէտք է խառնել ուրիշների հետ, այլ բոլորովին առանձին լուանալ ու որքան կարելի է երկար ժամանակ եփ տալ սօդա կամ մի ուրիշ աղ պարունակող ջրի մէջ:

Ծանօթութիւն: Լուացած սպիտակեղէնն ու շորեղէնները գիւղերում կարելի է կախել թոնրի մէջ ու չորացնել:

6) Երբ հիւանդը լաւանա կամ մեռնի, նրա անկողինն ու սպիտակեղէնը լաւ է այրել, այս պատճառով էլ աղքատ ընտանիքներում կարող են դոշակները խոտով լցնել:

7) Եթէ հիւանդը մեռնի, դիակը պէտք է փաթաթել սաւանի մէջ, որը պիտի թրջուած լինի սուլեմայով կամ կարբօլեան թթուութի խառնուրդով (կարբօլաշրով): Գազաղը պէտք է մեխած և, որքան կարելի է, խոր թաղել և վրայից լցնել մի հաստ շերտ հանգցրած կիր:

VI. Ի՞նչ պէտք է անել մինչև քօշկի գալը

Մենք ասել ենք որ խոլերայի ժամանակ ստամոքսի ամեն տեսակ խանգարումները պէտք է լուրջ կերպով բժշկել: Այս պատճառով ամեն կասկածելի դէպքում իսկոյն պիտի բժշկի դիմել:

Մեր կողմից տալիս ենք հետևեալ խորհուրդները.

1. Հիւանդին իսկոյն անկողին պառկեցրէ՛ք, փորին մանանեխ (горчичникъ-sinapisme) դրէ՛ք, կամ դրէ՛ք կանեփի սերմից փաթեթ, կամ թէ չէ մի պարկ, որի մէջ լցրած լինի տաքացրած աւազ կամ թեփ (օր. փայտի մանրունք, որ սղոցելուց է գոյանում): Ժողովուրդը սիրում է տաքացրած ազոռ ու խոտ. դրանք էլ լաւ են: Կարելի է նոյնպէս հիւանդի ոտերի արանքն ու կողքերին եռման ջուր

լցրած շիշեր շարել, որոնք պէտք է փաթաթուած լինեն մաքուր շորով:

2. Եթէ հիւանդը փսխում է կամ լուծունի, տուէ՛ք խմելու շաքարաջուր լիննի կամ նուան հիւթով, իսկ աւելի լաւ կլինի, եթէ խմեցնէք նրան մի բաժակ ջուր, մէջը կաթայրած 10—15 կաթիլ աղաթթուութ (СОЛЯНАЯ КИСЛОТА, acidum muriaticum): Եթէ փսխելը չի դադարում, կտոր-կտոր սառուց տուէք կուլ տալու. իսկ եթէ այդ էլ չի օգնում և աւելի ևս, եթէ լուծ էլ է սկսում, պէտք է տալ Բօսկլինի կամ Ինօզեմյեվի կաթիլներ (հասակաւորին 20—25 կաթիլ—ջրով երկու-երեք ժամը միանգամ. իսկ եթէ փսխելը յաճախ է կրկնւում, նոյնիսկ ժամը մի անգամ. տ. ներքև):

3. Եթէ հիւանդի ոտերն ու ձեռները ձգձգւում են (որ մեծ ցաւեր է պատճառւում նրան), պէտք է ցաւող անդամը մերսել մի կտոր ֆլանէլով կամ կոշտ մահուղով: Կարելի է մերսել նոյնպէս և մի կտոր շորով, որ պէտք է թաթախել մանանեխի կամ քաֆուրի սպիրտի մէջ:

4. Ծնշարգելութեան ու սրտի բարբախման դէմ գործ են ածում Վալերիանի և Հօֆֆ-

մանի կաթիլներ (15—20 կաթիլ օրական մի քանի անգամ). իսկ նուազութեան և ուշագնացութեան դէմ, բացի այդ, պէտք է նաշատրի ոգիով (нашатырный спиртъ) հոտ տալ քթին:

5. Եթէ հիւանդի անդամները սառել են, պէտք է տաքացնել տաք ջրի շիշերով, ինչպէս ասացինք վերեւը:

6. Երբէք չպէտք է ականջ դնել հեքիմներին ու պառաւներին, որոնք իրանց տղէտ խորհուրդներով ու վնասակար միջոցներով կորցնում են ժողովրդին: Օրինակ, նրանք հիւանդից արիւն են առնում, այնինչ այդ չափազանց վնասակար է, որովհետեւ աւելի ևս թուլացնում է հիւանդին և ուղղակի կարող է սպանել նրան, քանի որ առանց արիւն առնելու էլ հիւանդը շատ ջուր է կորցնում լուծելիս ու վախելիս և նրա արիւնն արդէն թանձրացած է: Պէտք է խոյս տալ նմանապէս և զանազան պառաւական բոյսերից ու «քօլերից», որոնցից միայն վնաս կա և երբէք օգուտ: Օրինակ, անցեալ 1902-ի համաճարակի ժամանակ մեծ վնաս հասցրեց ժողովրդին Ալեքսանդրապօլում մի զինուորականի զոված «Կալգան» բոյսը, որը, այդ պարոնի ասե-

լով, իբր թէ, «հաստատ զեղ» էր խոլերայի դէմ:

VII. Դեղեր, որ պէտք է գտնուեն ամեն տան մէջ հիւանդացողին օգնելու համար:

1. Բօսկինի կաթիլներ:
 2. Ինոզե-Ֆյեվի կաթիլներ:
 3. Վալերիանի կաթիլներ:
 4. Հօֆֆմանի կաթիլներ:
 5. Եզրեղի կա՛ դափնի կեռասի կաթիլներ (лавровишневыя капли).
 6. Դեղարանական աղաթթւուտի խառնուրդ (разбавленная аптечная соляная кислота):
 7. Քաֆուրի կա՛ մանանեխի սպիրտ:
 8. Նաշատրի սպիրտ, օդեկօլօն, քացախ: Այս դեղերի սրուակների վրա պէտք է պարզ գրուած լինեն դեղերի անուները և դորձածելու ձևը:
- Ի հարկէ երբէք չպէտք է յոյս դնել այս դեղերի վրա, այլ հիւանդութեան դէպքում անմիջապէս և իսկոյն ո՛չ մի բոպէ չկորցնել ու դիմել բժշկին:

VIII. Ախտահանութիւն կամ թոյնի ոչնչացնելու միջոցը:

Խոլերահիւանդի առողջանալուց կամ մահանալուց յետո պէտք է ոչնչացնել վարակիչ թոյնը: Դրա համար հարկաւոր է բնակարանը ախտահանել:

Ինչպէս արդէն ասել ենք, միքանի քաղաքներում կան առանձին հիմնարկութիւններ, որոնք այդ գործով (ախտահանելով) են պարասպաճ, իսկ գիւղերում ժողովուրդն ինքը պիտի այդ անի:

Այս գրքոյկի մէջ զանազան տեղերում մենք խօսել ենք բնակարանի և իրերի ախտահանութեան մասին, այժմ առաջ բերենք այն միջոցները, որոնք պէտք է գործ դնել ախտահանութեան համար:

1. Կրակը անտարակոյս ամենազօրեղ ախտահանիչն է: Երբ մենք այրում ենք մի վարակուած առարկա, թոյնն էլ ի հարկէ, հետն է այրում-ոչնչանում: Բայց քանի որ աղքատ ժողովուրդը կափտաս այրելու հիւանդի իրեղէնները, այդ ձևը ամենքին ձեռնտու չէ:

2. Կիր: Սա ամենաէժան և ուրեմն ամենքին ձեռնտու միջոցն է բնակարանները ախտահանելու համար: Կիրը գործ է ածուած երկու ձևով—չոր կամ ջրախառն: Բայց կիրն էլ շատ տեղերում դժուար է ձեռք ընկնում, ուրեմն ամեն գիւղ պէտք է վաղօրօք պաշար պատրաստի: Կիրը լցնում են հիւանդի արտաթորութիւնների վրա, մեր գիւղական տների հողէ յատակի վրա, բակերը և առհասարակ վարակուած տեղերը:

Երբ կիրը բաց են անում ջրի մէջ, ստացւում է կաթնանման հեղուկ, որը կոչւում է կրի կաթ կամ կրակաթ: Կրակաթ պատրաստելու համար պէտք է մի մաս կիր բանալ հինգ մաս ջրում: Այդ հեղուկը լըցնում են անձաքրութիւնների վրա և ածում են արտաքնոյնները:

3. Զլորակիր: Գործ է ածուած, ինչպէս հասարակ կիրը:

4. Սուլեմա: Սա մի զօրեղ թոյն է, որ միայն բժշկի դեղատոմսով են դուրս թողնում: դեղաներից, ուրեմն պէտք է շատ զգոյշ վարուել նրա հետ: Ախտահանութեան համար գործ են ածում զանազան լուծուածքներ (1 մաս սուլեմա—500 մ. ջուր, կամ 1 մաս

սուլեմա 1000—2000 ջուր): Այս լուծուածքով լուանում են սենեակի պատերը առատաղը, յատակը, կահ-կարասիները և ուրիշ առարկաներ: Առհասարակ սուլեման մեծ ցրցիդներով (ШПРИЦЪ) ջրջնքում են ախտահանելի իրերը:

5. Կարբոլեան թթու ա կա՛վ կարբոլա: Այս դեղից էլ զանազան լուծուածքներ են շինում: Վերցնում են 2—5 մաս թթու և հալեցնում են 100 մ. ջրի մէջ: Այս լուծուածքով ախտահանում են հիւանդի կեղտոտած բոլոր իրեղէնները կա՛վ լուանում են իրանց ձեռներն ու երեսը: Կարբոլեան թթու և թունդ լուծուածքները (օր. 5 մ. 100 մ. ջրի մէջ) նոյնպէս գործ է ածւում օդը մաքրելու համար պուլվերիզատորների (փչող գործիքների միջոցով):

6. Լիզոլ: Սա մի թանձր շնկ գոյնի հեղուկ է, որը խառնում են ջրին ու գործածում իբրև ախտահանիչ դեղ: Բաւական է մի մաս լիզոլ հալեցնել 100 մ. ջրի մէջ և կտանաք լաւ դեղ ախտահանութեան համար:

7. Պղնձի նւերկաթի արջասալ, քլոր նւ ֆորմալին: Սրանցից ամենաուժեղը պղնձի ար-

ջասան է, որից պատրաստում են 20/0 տոկոսային լուծուածք (2 մ. արջասալ 100 մաս ջրում): Երկաթի արջասալը շատ աւելի թոյլ է և նրանից պէտք է վերցնել 15 մաս 100 մաս ջրում: Երկու արջասաներն էլ գործ են ածւում հիւանդի փսխանքներն ու զուրս դրնացածը ախտահանելու համար:

Սպիրտը նոյնպէս մի լաւ միջոց է, բայց թանգութեան պատճառով մեծամասնութեանը անմատչելի է: Իսկ արաղը չափազանց թոյլ է և պէտք չի ախտահանելու համար:

8. Մի դեղ էլ կա— դա ֆորմալինով ծուխ տալն է: Նրանով ախտահանում են բնակարանները:

Երբ կամենում են այս դեղով ախտահանել բնակարանը, պէտք է լաւ ծածկել լուսամուտները, դռները և բոլոր ծակերը, որ ծուխը (գազերը) դուրս չգան ցնակարանից: Երբ-որ բաւականին ծուխ է գոյացել ֆորմալինի այրելուց ու սենեակը միքանի ժամանակ ծուխով լիքն է եղել, բայց են ա՛նում դռներըն ու լուսամուտները և մաքրում օդը:

Պարտք ե՛մ համարում զգուշացնել, որ ժողովրդի մէջ բոլոր գործածուող դեղերը, կացա-

րանի միջի վատ հոտը իբր թէ ոչնչացնելու համար, ոչ միայն չեն մաքրում օդը, այլ, ընդհակառակը, աւելի ևս կեղտոտում են օդը և երբեք չեն կարող սպանել խտլերայի վարակիչ թոյներ:



Վ Ե Ր Չ

«ԱՌՈՂՋԱՊԱՀԻԿ ԹԵՐԹ»

Կրասնեա նկարագրող հանդէս 4—6 նոյնպէս
նկարագրող գրքերէնէրով.

Տարեկան բաժանորդագիրն է 2 ա. 50 ղ.

Արտասահմանու. . . 10 Ֆր. կամ 3¹/₂ ա.

Հասցէն. Тифлисть, редакция «Арогджапаик Терт»
Արտասահ. Tiflis. Redaction «Arogdjapaik Tert»

Գ-ր Վ. Արժւնեւու հրատարակութիւնները.

- 1) Ժանտարատ (մի քանի օրինակ միայն) 20 կ.,
- 2) Խօրեարարի մասին (սպառ.), 3) Խօրերա (սպառ.)
- 4) Հիպնոտիսի, հատ. I. (սպառուած) 25 կ.
- 5) Հիպնոտիսի, հատ. II. 15 կ., 6) Գարոցա-
կան առողջապահութիւն (պատկերագրող) 50 կ.
- 7) Առողջ երեխաների խնամատարութիւն 25 կ.
- 8) Սիֆիլիս, Կակուզ շանկը, Սուտուսակ 25 կ.
- 9) Թշուառների բարեկամ բժիշկ Հասազ 20 կ.
- 10) Ամուսնութիւն 75 կ.
- 11) Աղջիկ (առողջ. և բարոյագիտակ. էտիւզ) 75 կ.

ԲՅՈՅՆԵՐԸ

- № 1. ՄԻ ԽՄԻՐ, երկ. տ. (նկարներով) 5 կ.
- № 2. ՎԱՏ ՅԱԻ (նկ. սպառուած) 6 կ.
- № 3. ՎԱՐԱԿԻԶ ՀԻԻԱՆ ԳՈՒԹԻԻՆԵՆԵ-
ՐԸ ԵՒ ՆՐԱՆՑ ԹՈՅՆԸ (23 նկ.) 15 կ.
- № 4. ԹՈՔԱԽՏ ԿԱՄ ԲԱՐԱԿԱՅԱԻ (նկ.) 10 կ.
- № 5. ԴՈՂԵՐՈՅԻ ԿԱՄ ՄԱԼԱՐԻԱ (նկ.) 5 կ.
- № 6. ԻՆՖԼՈՒԷՆՅԱ ԿԱՄ ՆՈՐ ՅԱԻ (նկ.) 3 կ.
- № 7. ՄԻ ԾԽԻՐ 5 կ.
- № 8. ՆՈՐԱԾԻՆ ՄԱՆՈՒԿՆԵՐԻ ՀԻ-
ԻԱՆ ԳՈՒԹԻԻՆԵՆԵՐԸ (նկ.) 5 կ.
- № 9. ՎԱՏ ՅԱԻ ԿԱՄ ՍԻՖԻԼԻՍ, երկրորդ
հրատարակ. Ա. մասն (9 նկ.) 20 կ.
- № 10. ՎԱՏ ՅԱԻ ԿԱՄ ՍԻՖԻԼԻՍ Բժժասն 15 կ.
- № 11. ԾԱՂԻԿ ԵՒ ՊԱՏՈՒԱՍՏ 15 կ.
- № 12. ՅՂԻ ԿՆՈՉ ԱՌՈՂՋԱՊԱՀՈՒԹ. 10 կ.
- № 13. ԽՈՒԵՐԱՅԻ ՄԱՍԻՆ 15 կ.

1-րդ են տեսել «Եժշկի թերթիկներ» № 1 ՄԻ ԽՄԻՐ
№ 2 Հոսեր ծննդկաններին» ծախ. 100-ր 1 ա. Գիմել ԽՄԻՐ.
Հեղինակի հասցէն. Тифлисъ, Д-ру В. М. Арцруни.



6691